

Bosna i Hercegovina
Federacija Bosne i Hercegovine
Tuzlanski kanton
Općina Živinice
JU „Dječije obdanište“ Živinice
Broj: 01-1880/21
Datum: 20.09.2021.godine

**IZVJEŠTAJ O RADU
JU „DJEČIJE OBDANIŠTE“ ŽIVINICE ZA PEDAGOŠKU
2020/2021.GODINU**

Živinice, septembar, 2021.godine

1. UVOD

1.1. Opšti podaci o ustanovi

JU “Dječije obdanište” Živinice ima korisnu površinu 1100m², u čijem sastavu se nalazi uprava obdaništa, kuhinja, trepezarija, 11 dnevnih boravaka (učionica), 9 mokrih čvorova, hol, biljni kutak, zoo kutak, biblioteka, lutkarski kutak, prostorija za prijem djece i roditelja, zbornica, magacin, kotlovnica, garaža...

Uz objekat se nalazi prostran park-dvorište vrtića, gdje u ljetnom periodu i tokom godine izvodimo dio planiranog zabavnog i praktičnog odgojno-obrazovnog programa. Prema našim skromnim mogućnostima učinili smo maksimalan napor da objekat i dvorište obdaništa izgledaju ljepše i funkcionalnije za naše mališane.

1.2. Pravni i organizacioni status

“Dječije obdanište” Živinice kao javna ustanova upisano je u sudski registar 21.12.1995. godine, oznaka i broj rješenja U/I-1680/95. Izvršeno je usklađivanje djelatnosti javne ustanove sa KD BiH, promjena adrese sjedišta javne ustanove i promjene lica ovlaštenog za zastupanje javne ustanove.

Dana 07.03.2018. godine je imenovana Sabina Anđelić na mjesto direktora, dugogodišnji uposlenik ove Ustanove, na mandatni period od 4 godine.

1.3. Cilj predškolske ustanove

Predškolski odgoj i obrazovanje obuhvata njegu, odgoj i obrazovanje djece od šest mjeseci do polaska u školu i na specifičan način doprinosi ostvarivanju jedinstvenog cilja odgoja i obrazovanja, a to je svestran razvoj ličnosti, njeno osposobljavanje za kreativan odnos prema stvarnosti i slobodno ispoljavanje individualnosti.

Predškolski odgoj i obrazovanje je integralni dio, na koga se nastavlja osnovno obrazovanje. Osnovna i dominantna aktivnost na kojoj se bazira cjelokupni odgojno-obrazovni rad sa djecom je igra, što obezbjeđuje autentičnost ovog segmenta odgojno-obrazovnog sistema i onemogućava prisutnu tendenciju didaktiziranja i školarizacije.

Cilj njege, odgoja i obrazovanja predškolskog djeteta ostvaruje se u procesu realizacije opštih zadataka njege i odgojno-obrazovnog rada i specifičnih zadataka koji se posebno definišu za djecu do tri godine i za djecu od tri godine do polaska u osnovnu školu.

Cilj njege, odgoja i obrazovanja predškolskog djeteta ostvarit će se u procesu odgojno-obrazovnog rada, koji se posebno definiše za uzrasne grupe (jaslički, mlađi, srednji i stariji uzrast), kako je naznačeno u osnovama programa odgojno-obrazovnog rada za djecu predškolskog uzrasta.

1.4. Opšti i posebni zadaci predškolske ustanove

Opći zadaci predškolskog odgoja i obrazovanja koji su realizovani kroz sadržaj cjelovitog razvojnog programa kao što su:

- psihofizički razvoj djeteta i formiranje osnovnih higijenskih navika
- razvoj intelektualnih i drugih sposobnosti

- razvoj radoznalosti kod djeteta i omogućavanje sticanja elementarnih znanja o prirodi, životu, radu ljudi, te obogaćenju dječijeg iskustva
- njegovanje i obogaćivanje dječijeg stvaralaštva i sposobnosti izražavanja govorom, pokretom, likovnim i muzičkim izrazom u igri i drugim aktivnostima
- zadovoljavanje potreba djece za igrom i zajedničkim životom, te uticaj na pozitivni emocionalni i socijalni razvoj djeteta, formiranje moralnih osobina, patriotizma, radnih i kulturnih navika
- smanjivanje negativnih posljedica primarnih i sprečavanje nastajanja sekundarnih teškoća u razvoju
- zadovoljavanje potreba djece za igrom i zajedničkim životom, te uticaj na pozitivni emocionalni i socijalni razvoj djeteta, formiranje moralnih osobina, radnih i kulturnih navika i sl...

Posebni zadaci odgojno-obrazovnog rada u ovoj pedagoškoj godini su bili :

- stručno usavršavanje roditelja kroz roditeljske sastanke i stručne obrazovne teme,
- uključivanje osnivača i šire zajednice u rad ustanove
- medijsko prezentovanje rezultata odgojno-obrazovnog rada podrškom lokalne televizije Živinice
- rad sa Osnivačem na povećanju broja djece polaznika ustanove, tj.obuhvaćenosti djece obaveznim predškolskim odgojem i obrazovanjem na općini u cjelini

2. USLOVI ZA RAD PREDŠKOLSKE USTANOVE

2.1. Prostor

Tokom pedagoške 2020//2021.godine uradjena je termoizolacija montažnog dijela objekta (utopljavanj stiroporom te postavljanje fasade kao i zamjena dotrajale ograde na službenom ulazu-inoks ogradom te postavljanje pločica također na službenom ulazu). Postavljena je i svijetleća reklama na objektu. Također je dokupljeno još 25 spužvi za djecu u produženom boravku.Napominjemo da JU „Dječije obdanište“ Živinice apliciralo na projekat prema Ministarstvu nauke i obrazovanja TK te su odobrena sredstva u iznosu od 15.000,00 KM. Sredstva su utrošena za termoizolaciju starog dijela objekta, postavljanje fasade te zatvaranje predulaza također starog dijela objekta kao i postavljanje keramike.

U toku pedagoške godine prateći epidemiološku situaciju zamjenjene su dotrajale posteljine, dekice, peškiri za odrasle i peškirići za djecu. Nabavljena je i određena količina dezinfekcionih sredstava za učionice, kuhinju kao i mokri čvor i hodnike U kuhinji je postavljena napa za paru. Također u kuhinji je zamjenjeno dotrajalo posuđe: šerpe, šolje za čaj i kafu, escajg, tanjiri, zdjelice, taperver posuđe za distribuciju hrane za produženi boravak, kao i stoljnaci i kuhinjske krpe. U radnim sobama su zamjenjeni stari tepisi novim prilagođenim za učionički prostor. U dječijim sobama zamjenjene su dotrajale zavjese gdje je bilo potrebno i postavljeni dekorativni paravani.

Također navodimo da je u jednoj učionici i jednom hodniku iz vlastitih sredstava zamjenjen dotrajali parket novim laminatom. Radi održavanja čistoće okrećeno je 5 prostorija u Ustanovi a dvorište je uređeno ukrasnim biljkama i zelenilom koje ujedno odgajateljima služe u realizaciji planiranih aktivnosti.

Tokom pedagoške 2020/2021.godine ostvarena je kao do sada sa Crvenim križom Živinice te su nam u nekoliko navrata donirali dezinfekciona sredstva kao i sanitarni materijal. Također je nastavljena saradnja kao i prethodnih godina sa udruženjem Zlatna dob Živinice.

2.2. Nastavna sredstva

U prethodnoj godini smo uložili značajan dio sredstava za nabavku didaktičkog materijala, igračaka i drugih rekvizita potrebnih za realizaciju odgojno obrazovnog rada. Ustanova još uvijek ne raspolaže sa dovoljnom količinom nastavnih sredstava i pomagala u učionicama, te je potrebno dopuniti postojeće količine nastavnih sredstava i pomagala. Nabavili smo i određene količine edukativnih knjiga i slikovnica za potrebe Ustanove. U objektu u svim odgojnim grupama nabavljeni su LCD uređaji sa internet priključkom tako da je olakšan i unaprijeđen rad odgajatelja u Ustanovi.

3. PROGRAM ODGOJNO OBRAZOVNOG RADA

Primarni program odgojno obrazovnog rada je realizovan u deset odgojno obrazovnih grupa: dvije jasličke grupe, tri mlađe, dvije srednje, tri starije i tri školske grupa (od 1-4 razreda). Specijalizirani program iz oblasti sporta po projektu realizovan je za školsku djecu u produženom boravku.

Planirani specijalizirani programi: moderni ples za školsku djecu kao i muzička kultura i za djecu predškolskog uzrasta nije realizovan zbog narušene epidemiološke situacije. Nastava iz oblasti engleskog jezika je redovno realizovana po predviđenom planu i programu.

U skladu sa Godišnjim programom rada realizovane su sljedeće posjete:

- Septembar 2020. godine obilježavanje početka nove pedagoške godine u radnim sobama uz redovne dnevne aktivnosti.
- Oktobar 2020. godine. obilježavanje početka jeseni u našem dvorištu
- Obilježena Nedjelje djeteta uz medijsku pratnju TV Živinice u radnim sobama.
- Obilježen Dan knjige prikladnim likovnim aktivnostima kao i slušanjem i gledanjem prikladnih sadržaja na ovu temu.
- Novembar .2020. godine obilježavanje Dana državnosti BiH prigodnim aktivnostima u radnim sobama.
- Decembar 2020. godine obilježavanje početka zime kao i obilježavanje Dana dječije radosti uz prigodan kulturno zabavni program u holu JU „Dječije obdanište“ Živinice također medijski praćeno od strane TV Živinice.
- Januar 2021. godine održane su zimske igre i radosti u dvorištu našeg vrtića, djeca uzivala u snježnim igrama.
- Februar 2021. godine urađena je medijska reportaža i pravljenje priloga povodom Dana nezavisnosti BiH.
- Mart 2021. godine obilježavanje početka proljeća te dana žena posjetom RTV Živinice.
- April 2021. godine obilježen je Dan planete zemlje i u okviru akcije april mjesec čistoće djeca su sadila cvijeće i uređivala dvorište obdaništa a sve je snimala TV Živinice.
- Maj 2021. godine održana je završna manifestacija dječijeg stvaralaštva sa bogatim kulturno zabavnim programom.
- Juni 2021. godine upiličena je dodjela diploma i pedagoških kartona djeci koja su upisana u školu također je sve snimljeno od strane TV Živinice a izvedeno u dvorištu JU „Dječije obdanište“ Živinice.

- Juni 2021.godine obilježavanje Dana grada Živinica gdje su djeca starijih grupa uzela učešće na otvorenoj sceni BKC-a.

Tokom jula i avgusta se provodi ljetni plan i program za 2020/2021.godinu.

Zbog pandemije COVID-19 nije bilo moguće organizovati „Završnu manifestaciju dječijeg stvaralaštva“.

Napominjemo da su navedene aktivnosti usklađene sa epidemiološkom situacijom te u prvom redu obezbjeđena sigurnost i zaštita djece kao i uposlenika od zaraznih bolesti.

Ciljevi i zadaci kroz primarni i ostale programe su već iskazani kroz opće i posebne zadatke u ovoj pedagoškoj godini.

4. DJECA

Upis se odvija prema Pravilniku ustanove za upis djece, a ustanova je otvorena za svu djecu uzrasta od šest mjeseci do polaska u školu. Pri upisu djece roditelji dostavljaju:

- prijavu za upis djeteta
- ljekarsko uvjerenje
- izvod iz matične knjige rođenih

Svi podaci o djeci se unose u Matičnu knjigu i Registar djece, polaznika ustanove.

U pedagoškoj 2020/21. godini na prvom upisnom roku u maju bilo je upisano 315 djece. Broj djece je varirao tokom godine djeca su se ispisivala i upisivala na vanrednom upisnom roku u toku godine što je posebno bilo izraženo u ljetnom periodu. Bitno je napomenuti da su djeca u toku pedagoške godine zbog zdravstvenog stanja ili korištenja godišnjeg odmora bila odsutna iz obdanište te im je cijena boravka umanjena za te dane kako je navedeno u Pravilniku o prijemu djece u ustanovu.

U tabeli je prikazan broj djece po grupama u mjesecu oktobru:

Odgojno-obrazovna grupa	Broj djece
Jaslička I	15
Jaslice II	17
Mlađa I	21
Mlađa II	21
Mlađa III	22
Srednja I	22
Srednja II	22
Srednja III	22
Starija I	25
Starija II	25
Starija III	25
Školska- produženi boravak	78
UKUPNO	315

Djeca polaznici ustanove su svih starosnih kategorija počev od šest mjeseci do polaska u osnovnu školu, kao i polaznici I,II, III i IV razreda osnovne škole kao produženi boravak.

Cijena cjelodnevnog boravka u pedagoškoj 2020/21. godini iznosila je 160 KM, cijena poludnevnog boravka 140 KM, a cijena produženog boravka za djecu školskog uzrasta 180 KM a svako drugo dijete iz porodice, koja je korisnik usluga, plaća umanjem iznos od 30%, također i za svako dijete iz porodice se plaća umanjem iznos od 30%.

3.1. Obuhvat djece na području općine Živinice

Zakon o predškolskom odgoju i obrazovanju („Službene novine TK“ broj:12/09, 08/11) podrazumijeva i obavezno uključivanje djece u predškolsku ustanovu u godini prije polaska u osnovnu školu. Program obuhvata aktivnosti koje se mogu provoditi u maksimalnom dnevnom trajanju od tri sata, a ukupnom trajanju od minimalno 150 sati, u skladu sa potrebama i interesima porodice i djeteta.

U pedagoškoj 2020/2021.godini Obavezni dio predškolskog program pred polazak u osnovnu školu pohađača je 530 djece a obuhvat djece ovim programom je 100% na području našeg grada. A isti je realizovan prema preporukama Pedagoškog zavoda i Ministarstva nauke i obrazovanja TK.

Budžetom Grada Živinice za realizaciju ovog projekta je izdvojeno 65000,00 KM, te smatramo da je suma dostatna za realizaciju istog.

3.2. Kratak osvrt na prošlogodišnji rad ustanove

Tokom 2020/2021 godine odgojno obrazovni rad se uspješno realizovao kroz 10 odgojno obrazovnih grupa, s tim da smo imali i dvije grupe školske djece, gdje je bio organizovan rad i odvođenje i dovođenje djece iz škole koja se nalazi u neposrednoj blizini Ustanove.

Održana su dva roditeljska sastanka u septembru, decembru te stalni individualni razgovori. Cilj roditeljskih sastanaka je bio da se roditeljima predstavi plan i program za pedagošku 2020/21 godinu, približi način i uslovi rada te postigne što bolja saradnja kako bi zajedno djeci obezbijedili bolji uslove za odgoj i obrazovanje u ovoj Ustanovi. Pomenuti roditeljski sastanci održani su u dvorištu JU „Dječije obdanište“ Živinice zbog epidemiološke situacije.

Rad Ustanove u ovoj pedagoškoj godini praćen je medijski. Podršku nam je dala Televizija Živinice, kao i portali i sedmični listovi sa područja grada i kantona.

6. TABELARNA STRUKTURA OSOBLJA PREDŠKOLSKE USTANOVE

6.1. Broj radnika po stručnoj spremi

Radno mjesto	NK	PK	KV	VKV	SSS	VŠS	VSS	MG	DR	SVEGA
direktor							1			1
sekretar							1			1
Referent za opće poslove							1			1
Odgajatelj						1	18	3	1	23
Profesor engleskog jezika							1			1
Pomoćni kuhar					3					3
Kuhar					2					2
Domar-ložać										1
Asistent u odgojno-obrazovnom procesu										/
Njegovateljica					2					2
Higijeničar	2									2
ZAPOSLENIH UKUPNO										37
Vanjski saradnici							3			3
Volonteri							5			5

U toku pedagoške godine u skladu sa potrebama Ustanove za realizaciju odgojno-obrazovnog procesa bilo je potrebno angažovati stručan kadar na određeno vrijeme na punu normu.

7. SARADNJA SA PORODICOM

Djeca predškolskog uzrasta uglavnom svoje vrijeme provode s porodicom ili u vrtiću, s toga je uključivanje porodice u odgojno-obrazovni rad neophodno kako bi djeca osjetila tu povezanost kuće i vrtića i time se poboljšao rast i razvoj djeteta.

Da bi odgojno-obrazovni rad bio što bolji, neophodno je maksimalno uključivanje porodice u rad ustanove i planiranju saradnje sa porodicama na svim nivoima i aspektima, tj, na nivou ustanove u cjelini i na nivou odgojno obrazovnih grupa.

Saradnja sa porodicama djece polaznika ogledala se u sljedećem :

- svakodnevnim kontaktima na prijemu i otpustu djece,
- roditeljskim sastancima po grupama i zajedničkim sastancima,

- boravak roditelja u ustanovi za vrijeme izvođenja odgojno obrazovnog rada, učešće roditelja u izvođenju oglednih aktivnosti iz njihove specijalnosti, učešće u planiranju programske nastave i organizovanju posjeta.

Roditelji su također učestvovali u pomaganju i organizovanju zabava za djecu na otvorenom.

Informisanje roditelja :

- putem oglasne ploče,
- putem web stranice
- kontaktom kod prijema i otpusta djece,
- preko roditeljskih sastanaka,
- omogućavanjem roditeljima da borave među djecom i da realizuju odgovarajuće sadržaje prema sklonostima i stručnoj specijalizaciji,

8. JAVNA I KULTURNA DJELATNOST

U toku pedagoške godine Ustanova je javno prikazivala rezultate svoga rada odabranim sadržajima sa djecom u pogodnim prilikama. U skladu sa Programom odgojno-obrazovnog rada obilježila je priredbama, izložbama za roditelje i ostale posjetioce i drugim manifestacijama kao što su:

- Dan jeseni
- Nedjelja djeteta
- Dan dječije radosti (rođendani i sl.)
- Dan žena
- Dan proljeća
- Državni praznici
- Dan Grada
- Podjela pedagoških kartona

U toku rada u planiranom periodu Ustanova se u cjelini uključila u obilježavanje i drugih datuma, značajnijih događaja za koje je Osnivač ocijenio da treba svečano obilježiti.

Pored svakodnevnih aktivnosti i rada, djeca i odgajatelji su planirali Završnu manifestaciju dječijeg stvaralaštva ali nažalost ista nije bila realizovana u BKC –u zbog pandemije COVID-19 ali je ista realizovana u holu JU „Dječije obdanište“ Živinice.

8.1. Vrijeme realizacije programa

Odgojno-obrazovni proces podijeljen je na teme, koje se dijele na podteme i dnevne. Sve navedeno je realizovano kroz oblasti Tjelesni i zdravstveni odgoj, Upoznavanje okoline, Razvoj govora, Razvoj početnih matematičkih sposobnosti, Likovni odgoj, Muzički odgoj. Teme su prilagođene godišnjim dobima, interesovanjima djece i okruženju djece.

Sve teme su planirane i realizovane prema uzrastu i mogućnostima sa primjerenim sadržajem. Radno vrijeme Ustanove je 6 – 16 sati. Dežurni odgajatelj ostaje u ustanovi dok i posljednje dijete ne ode iz Ustanove.

Radno vrijeme direktora i tehničkog osoblja je 8 sati.

U odjeljskim grupama radi odgajateljski tim: dva odgajatelja ili odgajatelj i njegovateljica.

Radno vrijeme na poslovima odgojno obrazovnog rada sa djecom u grupi je 6 sati dnevno.

Ostali poslovi se raspoređuju po danima u toku sedmice (rad u Stručnim organima, Aktiv, Vijeće, saradnja sa roditeljima, sa radnicima, priprema i vođenje dokumentacije, inovacije i sl.). Rad odgajatelja i njegovateljica se odvija u smjenama.

8.2. Artikulacija dnevnih aktivnosti

U ustanovi zbog specifičnosti broja djece i broja zaposlenih radnika raspored aktivnosti izgleda ovako:

- Jutarnje prihvatanje djece -----6:30-8:00
- Pripreme za doručak i doručak-----8:00-8:30
- Pripreme za jutarnji sastanak-- -----8:30-9:00
- Jutarnji sastanak -----9:00-9:30
- Zajednički rad u malim grupama (boravak vani)-----9:30-11:00
- Pripreme za ručak i ručak -----11:00-12:00
- Popodnevni odmor -----12:00-14:00
- Užina-----14:00-14:30
- Spremanje i odlazak djece -----14:30-16:00

U potpunosti se realizovao planirani broj sati odgojno-obrazovnog programa. Putem predviđenih tema djeca su se družila, igrala, socijalizovala, širila spoznaje, jačala tijelo i duh, te sticala kulturno higijenske navike koje su u skladu sa normama ponašanja u našem društvu. Takođe razvijali su i finu i krupnu motoriku, spoznaje, umjetnost, emocionalni razvoj i razvoj govora. U ovoj pedagoškoj godini se naročito vodilo računa o poštivanju higijensko epidemioloških mjera zbog pandemije COVID-19.

8.3. Organizacija rada biblioteke

Ustanova raspolaže određenom količinom literature koja se nalazi u biblioteci ustanove, osoblju za rad sa djecom, kao i zainteresovanim roditeljima za njihovo stručno usavršavanje za odgoj vlastite djece. Svake školske godine, pa tako i ove, obnavlja se knjižni fond biblioteke kako stručnom literaturom tako i sadržajima prihvatljivim za djecu predškolskog uzrasta.

8.4. Zdravstvena zaštita

Ove pedagoške godine zdravstveno stanje djece je bilo promjenljivo pa je povremeno dolazilo do izostanaka djece u svim odgojnim grupama

Na vrijeme su sprovedene preventivne mjere zdravstvene zaštite. U skladu sa Zakonom o predškolskom odgoju i obrazovanju obavljen je sanitarni pregled na početku pedagoške godine. Bitno je napomenuti da je svako dijete primljeno u obdanište uz ljeakarsko uvjerenje da ne boluje od neke zarazne bolesti i da je zdravstveno sposobno pohađati obdanište.

Svakodnevno se održava higijena prostora, dezinfekcija radnih stolova i didaktičkog materijala i opreme, te dezinsekcija i deratizacija prostora, što ukupno doprinosi boljoj zdravstvenoj zaštiti.

8.5. Rad kuhinje

Svakodnevno je u Jelovniku uključena svježe skuhana hrana i uključene su namirnice koje doprinose pravilnom rastu i razvoju djeteta. Radno vrijeme kuhinje je 6,00 -14,00 sati. Tokom godine je vršen redovan sanitarno-inspekcijski nadzor, te su uzimani uzorci vode i hrane na ispitivanje koji su bili u skladu sa propisima.

Ostvarena je svakodnevna saradnja sa Zavodom za javno zdravstvo TK.

Potrebno je istaći da je naročit oprez bio u periodu pandemije pojačane mjere higijenske zaštite.

9. RAD U LJETNJIM MJESECIMA

U ljetnjim mjesecima pedagoške 2020/2021.godine naročito je bila preporuka da se više koristi vanjski prostor zbog socijalne distance djece.

Prema broju prisutne djece vrši se i planiranje godišnjih odmora osoblja.

Odgojno-obrazovni rad sa djecom se odvija prema posebno sačinjenom Programu, a uglavnom se svodi na ponavljanje pređenih sadržaja i kroz slobodne aktivnosti sa djecom. U ljetni mjesecima se uglavnom koristi vanjski prostor što više kako bi djeca boravila na otvorenom u skladu sa planiranim aktivnostima.

NAPOMENA:

Planirane posjete Godišnjim programom rada nisu realizovane zbog epidemiološke situacije te zaštite zdravlja djece i uposlenika JU „Dječije obdanište“ Živinice.

Ustanova je zbog gore navedene epidemiološke situacije imala znatan pad prihoda u različitim vremenskim periodima.

Direktor

Sabina Andelić